

右宋景平元年佛陀什等所譯即化地部毗  
 奈耶藏佛圓寂後三百年中從說一切有部  
 之所出也與十誦律根本毗奈耶多相涉此  
 律分作五分分謂部類劑限不同故第一分  
 十卷波羅夷法第二分尼波羅夷法十一至  
 十四第三分十五至二十二受戒法衣法藥  
 法食法等第四分第二十三至二十四滅諍  
 法等第五分二十五至三十初破僧法雜法  
 等

四分律六十卷

和 編

右姚秦佛陀耶舍等譯序偈云衆經億百千  
 戒爲最第一如王治正法如醫治衆病若有  
 捨戒者於佛法爲死持戒如護命守之無  
 失譬如得王印所往無罣礙小毀則不定大  
 毀入三惡

二十末

大藏聖教法寶標目卷第七

四

大藏聖教法寶標目卷第八  
 根本說一切有部戒經

隨

十誦比丘戒本  
 五分比丘戒本  
 僧祇律比丘戒本  
 僧祇律比丘尼戒本

遵 八

十誦律比丘尼戒本  
 根本說一切有部苾芻尼戒本

右七經同帙僧律四波羅夷十三僧殘二不  
 定三十捨墮尼薩耆波夜提九十波夜提四  
 悔過波羅提提舍尼衆學法七滅諍法尼律  
 八波羅夷十九婆尸沙一百四十一波夜提

餘尼薩耆波夜提衆學滅諍法數同佛制半  
 月布薩說戒即此本也

四分解脫戒本

四分戒本

四分僧戒本

右本同譯別

四比丘尼戒本

五比丘尼戒本

右尼律八波羅夷十七僧殘三十捨墜一百

七十八墮法五分二百一十八悔過眾學法

七滅諍法

沙彌十戒經并七十二威儀法

沙彌威儀

沙彌尼戒文

沙彌尼戒經

右經題名義自具

舍利佛問經

右佛說涅槃後律分為五部因緣舍利佛問

佛制律或開或遮疑義及八部鬼神何故生

於惡道而見佛聞法等事

根本說一切有部百一羯磨十卷 受

右梵語羯磨此云時到亦云辦事謂集僧出

家授戒出白眾罪悔過折伏諫擯等法百一

者舉其大數與大律數雖不同無違妨也

大沙門百一羯磨

羯磨上下二卷

曇無德律部雜羯磨

十誦羯磨比丘要用

彌沙塞羯磨本

四比丘尼羯磨

遵

二

優波離問佛經

右優波離問戒律種種事

四分律刪補隨機羯磨二卷

右唐宣律師集

四分僧羯磨三卷

右唐懷素集

四分尼羯磨三卷

右亦懷素集

大愛道比丘尼經二卷

右佛說比丘尼當受八敬法復受十戒行十

事等乃受五百具足大戒佛正法當住千歲

以阿難大愛道累請度尼故減五百歲然佛

言若女人作沙門精進持戒不犯毛髮現身  
化成男子復說受請受食行路入室出戶種  
種戒法當除滅八十四態法佛般泥洹後當  
有三千比丘尼末世時有八萬比丘尼奉持  
是法律皆得阿羅漢其餘者却後百三十劫  
當復奉是法律得阿羅漢

根本說毗奈雜事攝頌

一切有部毗奈耶尼陀那頌

根本說一切有部毗奈耶頌五卷

右以少偈頌收戒律廣文摠括宏綱使易記

憶西域尊者毗舍佉等造

目連問戒律中五百輕重事經

道八

三

右佛說戒律中罪犯輕重事理精詳

迦葉禁戒經

右說真沙門持戒行道不惜壽命不求供養  
有不行沙門法者不名沙門如貧人稱名大  
富如醫師不自愈病如摩尼珠墮不淨中如  
死人著金銀珍寶

佛說戒消災經

右說持歸戒人鬼神畏避不敢害犯

佛說犯戒罪輕重經

右佛說犯眾學戒九百千歲墮地獄犯波羅  
提提舍尼三億六千歲犯波逸提二十四  
億四十千歲犯偷蘭遮五十億六十千歲犯

比丘誹謗如是毗尼者非吾弟子是魔朋侶

出世學道不成不出三界

優婆塞五戒相經

右戒殺盜婬妄語飲酒可悔不可悔有罪無罪  
僧伽婆尸沙二百三十億四十千歲犯波羅  
夷九百二十一億六十千歲佛言若比丘比

罪等事理精詳

根本薩婆多部律攝十四卷

奉母

右尊者勝友造於佛戒律中以略顯廣明舉  
持犯輕重種種學處并佛略教非遮非許清  
淨不清淨等諸所有事皆明其義與諸部毗  
奈耶等多相參照

摩得勒伽經十卷

儀

石說戒律中持犯輕重種種法參照諸部理事甚詳

鼻奈耶八卷

諸

右鼻奈言去奈耶言真也去若干非而就真也降伏此心息此心忍不起降伏戒也息定

也忍智也三世佛法藏秘要訓三乘聲聞使  
得道成佛皆從戒律始此律一部姚秦世初  
所譯律也制戒之因持犯輕重與諸部律多  
同但詞有詳略爾

善見律毗婆沙十八卷

姑伯

右律毗婆沙名善具足分別戒相不雜他語

於律中因緣根本所說義味具足善能分別  
一切律藏無有障礙故名具足第十八卷舍  
利弗與優波離問答律義甚詳

佛阿毗曇經二卷

右出家相品說一千阿僧祇世界衆生所有  
功德成佛一毛孔如是徧身毛孔功德成一

好如是八十種好功德增百倍成如來一相  
三十相功德增千倍成一毫相千毫相功德  
增百倍成無見頂相次說十二因緣四諦等  
法義甚詳次說佛爲衆演法受具乃至廣說  
滅惡法度人出家等事

毗尼母論八卷

叔

右毗尼此名滅滅諸惡法故母論者廣攝律  
義故律藏外諸義一切經要皆在此中如衆  
流入海制戒因本皆在此中

大比丘三千威儀經二卷

右說行住坐卧衣服飲食等種種規繩詞簡  
事詳委曲精盡

薩婆多毗尼毗婆沙九卷

猶

右此解十誦律論大解律中九十事及悔罪  
衆學滅諍等法

律二十二明了論

右分別解釋律中所立名義

阿毗曇八捷度論三十卷

道

五

子兒

右迦旃延子造竺佛念等譯阿毗曇者此云無比法捷度者此云聚即法聚也解釋種種法義謂初說世間第一法頂法暖法次十二緣九十八使結繫四果見諦三界所斷煩惱四諦七覺意八智等法此論三十卷分為八捷度八部法類不同故一雜二結使三智四行五四大六二十二根七定八見八捷度中復列四十四品一雜雜明諸事故二結使明諸根隨煩惱三釋智慧差別四辯善惡邪正諸行五明淨根智證見聖諦理六辨利鈍根乘行業差別七明四禪八定差別八明意止欲想時節見解各不同故此論中性相理事法數無邊故名法聚亦是藏之別名故新論作八蘊

阿毗達磨發智論二十卷 孔 懷

右契法師譯與阿毗曇論本同譯別譯文順暢即是說一切有部對法藏之根本佛圓寂後三百年中論師迦多衍尼子之所造也後

代傳人本有廣略此發智論文義具足傳習之者號為身論以餘論各辯一支有異於身故阿毗達磨法蘊足論十二卷 兄

右大目捷連造集眾法寶聚普施群生論首偈曰阿毗達磨如大海大山大地大虛空具攝無邊聖法財今我正勤略顯示其摠頌曰

覺支淨果行聖種正勝足念諦靜慮無量無色定覺支離根處蘊界緣起

法蘊足論者蓋阿毗達磨之權輿一切有部之洪源也大目捷連所製鏡六通之妙慧晰三達之智明桴金鼓於大千聲玉螺於百億摘藏海之奇琬鳩教山之勝珍使天鏡常懸法幢永樹眾邪息藩籬之望諸子騁遊戲之歡也佛涅槃後百有餘年疊啓五分之殊解開二九之異雖各擅連城之貴俱稱照乘之珍唯一切有部卓乎迥秀若妙高之處宏海猶朗月之冠眾星者豈不以本弘基永者歟至如八種捷度驚微于發智之場五百應真

馳譽於廣說之苑斯皆揖此消波分茲片玉  
遂得駕群部而高蹈接天衢而布武是知登  
崑閩者必培塿於衆山游溟渤者亦坳塘於  
群澍矣出法師同  
譯靖邁序

阿毗達磨集異門足論二十卷 弟 同  
右佛令舍利弗代吾爲衆宣說法要自一法

二法以至十法一法者一切有情皆依食住  
一切有情皆依行住二法品謂名色等摠二  
十七門三法有十謂善不善根各三善不善  
尋各三惡行妙行各三三界欲恚害三界出  
離四法有十謂四念住四正斷四神足四靜  
處四聖諦四想四無量四無色四聖衆四沙  
門果次五法次六法以至十法佛歎善哉善  
哉汝能結集如來所說增一法門復告苾芻  
衆汝等皆應受持讀誦能引大善大義大法  
清白梵行菩提涅槃  
集謂聚積異謂差別法門名相各別異故足  
謂周足舍利子智慧第一於佛所說法十二

分教中增一名數勒爲一聚廣大周足故

阿毗達磨識身足論十六卷 氣 連

右提婆設磨阿羅漢造論初頌曰阿毗達磨  
正法燈心中淨眼智根本三界照明慧眼道  
一切法燈佛語海能發勝慧破諸疑是諸聖賢  
法衢路了此勝法至聰明悟斯聖教真佛子

阿毗達磨界身足論三卷

右尊者世友造說十大地法十大煩惱地法  
十小煩惱地法五惱五法數性相事理各各  
體性差別如地水火風四大欲色無色十八  
界等各不同故名界多界共聚集故名身攝  
義周圓滿足故名足摠通大小乘三界九地

五位修斷行門故

基法師序云界身足論者說一切有部發智  
六足之一足也先是婆沙八蘊闕五蘊之幽  
趣發智六足無五足之玄文元本頌有六千  
後譯刪略爲九百頌或五百頌獎法師翻八  
百三十頌文遠廣略義離增減神功妙思繫

可彈言

阿毗達磨品類足論十八卷 枝交

右尊者世友造唐奘法師譯一切法衆多流類不同此論各隨品類條貫義理收攝一切法周圓滿足不亂故摠有五法一色法二心法三心所法四不相應行法五無爲法第一

辯五事品第二辯諸智品三辯諸處四辯七事五辯九十八隨眠六辯攝等法七荅千問八次擇品如是諸品中收一切法義無不圓足

衆事分門毗曇論十二卷 友

右宋天竺三藏譯二論本同譯別

阿毗達磨大毗婆沙論二百卷 投逸

右梵語阿毗曇此言大法也阿毗達磨此云勝法或言無比法毗婆此云廣解說或云種種說出道安法師序及諸經音義佛涅槃後四百年健馱邏國王以諸部執師資異論召集賢聖大阿羅漢脇尊者世友尊者等五百人皆具三明六通復內窮三藏外達五明集義製諸凡三

十萬頌九百六十萬言備釋三藏懸諸千古窮其枝葉究其淺深佛法重明微言再顯唐三藏法師於西域具獲本文傳譯流布焉西域記第三卷及本論後三藏備

俱舍釋論二十三卷

心神

俱舍論本頌

右天親造解釋俱舍論三十卷中義理梵本來有先後故釋論在前本論在後

俱舍論三十卷

疲真

右天親菩薩造俱舍論云藏則庫藏之摠名也出諸經音義此論博綜群籍備摧異說天竺大小乘學依此爲本本論有九品一分別

界品說四大六入十八界等二分界根品說眼耳鼻舌男女命意等二十二根三分別世品廣說有情世間及器世間各多差別三界種種事相次四分別業品前言世別皆由業生此明種種善惡諸業由隨眠方得生長次五分別隨眠品次六分別賢聖品說諸賢

聖道相次七分別智品次八分別定品次九  
破執我品謂有我執無容解脫

阿毗達磨順正理論八十卷 志持

右眾賢論師造眾賢博學高才明一切部毗  
婆沙論時天親先作俱舍論破毗婆沙門所  
執理與文華西域學徒莫不讚仰鬼神亦皆

稱習眾賢心憤二十年覃思作俱舍論欲  
與天親面定是非未果而終天親後見其論  
歎有知解言其思力甚順我義宜名順正理  
論遂依行焉

阿毗達磨藏顯宗論四十卷 雅辭

右眾賢論師造序偈云已說論名順正理樂  
遵八九

思擇者所應學文句派演隔難尋非少劬勞  
所能解為撮廣文令易了故造略論名顯宗  
飾存彼頌以為歸刪順理中廣決擇對彼繆  
言申正釋顯此所宗真妙義

阿毗曇心論四卷 自

右尊者法勝造論列十品辯一切法門義理

行相令學者生解達法故

法勝阿毗曇心論六卷

右大德優波扇多造序云昔論師解釋太廣  
太略使學者迷惑煩勞今離於廣略釋不顛  
倒法相令人覺悟真實離諸過惡生諸功德  
得勇猛第一義利故

雜阿毗曇心論十一卷

摩都

右尊者法救造序云諸師釋阿毗曇心義極  
略難解知法勝所釋最為略極廣令智退優  
婆扇多八千偈又一師萬二千偈此名廣也  
我達磨多羅專精思惟義賢眾所應學正要  
易解了於諸論中為殊勝具足顯示真實義  
一切境界故

阿毗曇甘露味論二卷

右一施戒品二三界五道品三住食生品四  
業品五陰持入六行七十二緣八根九禪智  
十無漏十一智十二禪定十三雜定十四三  
十七品十五四諦十六雜品逐品分辯法義



得道聖人名瞿沙造欲令學者盡一切漏得一切智甘露味故

隨相論二卷

右說諸法不能自生藉緣方起如小兒藉扶方起人不能自生藉貪愛及業父母因緣方生如地水生穀牙若無人功置穀子地中牙終不生衆生作善惡業方牽生果各隨其相故

尊婆須蜜論十卷

邑華

右婆須蜜菩薩大士次繼彌勒作佛師子如來也從釋迦文降生爲大婆羅門父命觀佛侍佛四月已出家佛涅槃後撰此論一十品

遵八

十

十四捷度該羅深度博盡諸法撰論已入三昧如彈指頃昇神兜率與次補光炎如來柔仁如來皆集彌勒天宮

三法度論三卷

右說依三寶修行可度生死修財法無畏施可入聖道修身口意三業除三漏越三塗超

三界近三寶除三毒滅三苦生三慧入三聖位等法故摠名三法度論

入阿毗達磨論二卷

右塞建陀羅阿羅漢造說有學人聞對法中名義稠林便生怖畏欲令彼於法相海中深洄復處欣樂易入故作斯論辯演阿毗達磨中八種法謂色受想行識空擇滅非擇滅摠攝一切義

成實論十六卷

夏東

右成謂成就圓滿實謂真實不虛此論辯一切法義皆真實圓成故初佛寶具足品四無畏十號三不護三善品衆法品十二部經品清淨品賢聖品福田品如是等二百二品類集演說詳如本論

立世阿毗曇論十卷

西

右立謂成立世謂大千世界佛於起世經中說器世間有情世間四洲諸天三界諸趣因果善惡受生壽命依正勝劣地動晝夜種種

遵八

十一

地獄大小日月三災劫住成壞空等種種事  
相與起世經樓炭經俱舍論等相參照

解脫道論十二卷

二

右阿羅漢優波底沙造以十二品演說分別  
因緣戒頭陀定求善友分別行行處行門五  
神通分別慧五方便分別諦後偈云無邊無  
稱不可思無量善才善語言於此法中誰能  
知唯坐禪人能受持微妙勝道為善行於教  
不惑離無明

舍利弗阿毗曇論三十卷

京 邨

右與舍利弗集異足門論法義相涉而體製  
不同初十二入品次十八界品次五陰四聖

諦二十二根七覺不善善根四大優婆塞諸  
界諸業四果三乘二覺等人品智品十二緣  
念處正勤禪定道品煩惱攝品緒品摠演一  
切法名事理

五事毗婆沙論二卷

面

右尊者法救造釋世友尊者所製五事論為

欲開發深隱義如發伏藏令世間歡喜受用

如除雲翳日月顯照世友製論為有弟子怖  
廣聞持欲令依止略文起明了覺於一切法

自相共相明了故雖略說五事而攝一切法故

鞞婆沙論十四卷

洛 浮

右說迦旃延子本誓願於五千佛修阿毗曇

章句分捷度品數立章門此論解釋彼諸品  
法義

三彌底部論三卷

右說諸有情死此生彼中有陰五道三界捨  
受身等法

四諦論四卷

渭

右婆藪菩薩造

說苦集滅道法

分別功德論三卷

右說三寶及諸大弟子各有第一勝妙功德

辟支佛因緣論二卷

右說辟支佛觀老病死四時改變知一切法

皆無常苦空無我因緣而覺故亦名獨覺神通變現飛空自在不樂說法以神足化人作

勝福田

十八部論

部執異論

異部宗輪論

右皆說佛涅槃後諸部各異所從出生

佛所行讚經五卷

據

右馬鳴菩薩讚佛功德自降生出家成道度人以至涅槃分舍利等為二十八品

佛本行經七卷

右密迹金剛為諸天人有不識見佛者頌說

世尊功德自降胎出家成道利生以至涅槃

分布舍利等事為三十一品

百緣經十卷

涇

右撰集恭敬供養三寶受大福報生天得道及慳貪作惡墮餓鬼等種種善惡因果等凡一百緣

出曜經三十卷

宮盤

右婆須蜜舅法救菩薩之所撰集比一千章三十三品名曰法句錄其本起繫而為釋名曰出曜出曜者舊名譬喻即十二部第六部也本經出曜者從無常品至梵志品採眾經之要藏演說布現以訓將來故名出曜經第

導八

十三

六卷

賢愚因緣經十三卷

樓

右說聖賢解脫受大福報生天得道及惡業人沉淪苦趣罪報輪轉種種因緣佛往昔捨身命求菩提為月光王施頭尸毗王以身代鴿薩埵太子飼鹿佛成道梵天請轉法輪及

降伏六師等緣給孤獨長者布金買地造寺

及為過去七佛皆造寺二鸚鵡誦四諦法為

野狸所殺七反生天成辟支佛等緣

修行道地經七卷

樓

右摠眾經之大較示修行之徑路使學者易進無惑次第曉然多所決擇

道地經

右與前經本同譯別文句簡略耳

僧伽羅刹所集佛行經三卷

右僧伽羅刹須賴國人佛後七百年著此經

賢劫第八佛也載釋迦降生成道行化入滅

事迹甚備與普曜本行等經相參照手援樹

葉而立化國王以巨象挽經終不能動搖即

就梵化樹葉不焦修行道地經亦其所著也

百喻經四卷

觀

右尊者僧伽斯那撰以一百事喻說道法邪

正戒律持犯修行善惡等事

菩薩本緣經四卷

右說佛昔因地以國城妻子布施種種緣

大乘修行菩薩行門諸經要集三卷

右終南山智巖集於諸經四十二部中集菩

薩行門摠六十六條於修行人有大利益法

珠之寶聚大乘之龜鑑也

付法藏因緣傳六卷

飛

右元魏西域二三藏同譯略記自世尊付法

迦葉展轉付受至師子尊者傳法因緣

坐禪三昧經二卷

右說修習禪定法什法師譯

佛醫經

右說四大病苦種種因緣水屬口火屬眼風

連八十四

屬耳等

惟日雜難經

右說世尊及菩薩二乘人修行功德等種種

差別法義因緣

迦葉赴佛涅槃經

右說世尊入滅迦葉來赴供養偈讚等事

呵色欲經

右說捨欲復念如出獄思入如病差思病種

種呵誡

四品學法經

右說備戒行多聞能化度人為上品真學承

法學為中依福學為下行三事號散侍為外品

佛入涅槃密迹金剛力士哀戀經

右密迹金剛力士哀戀世尊歎佛種種功德而為無常所壞帝釋勸止謂佛事周訖乃入涅槃汝等不應生大憂惱等

佛使迦旃延說法沒盡渴百二十章

右記末法中種種事

佛說治身經

右說戒行制身脫一切苦

治意經

右說精進守意福未滿自守已滿得禪

那先比丘經二卷

驚

右國王彌蘭悉知異道能答九十六種經人

道八

十五

問難無能勝者那先阿羅漢與王問答王大敬伏以所問答為經種種論難譬喻王言沙門言在世作惡臨死念佛得生天殺一生死即入泥犂中我不信是語那先言如人持小石置水上便沒持百枚大石置船上以船力故不没人作惡以念佛力故生天作惡不知

佛經故便入泥犂王言羅漢飛上梵天如人屈伸臂頃不信行數千萬億里如是疾耶那先言王念大秦國事王言我念已那先曰反復八萬里何太疾耶王稱善哉如是等詳如本經

雜寶藏經十卷

右集諸經古今事一百一十八緣初說佛於往昔孝養父母等種種緣事佛告諸比丘有二種法能使人疾得人天至涅槃樂一供養父母二供養賢聖有二法速墮三惡受大苦惱謂於父母及賢聖所作諸不善次集種種供養布施獻華然燈造舍造塔齋戒修行皆得生天受福報事及羅漢見沙彌後七日當命盡遣歸道中見水漂眾蟻救之得命延長及修塔修寺設齋延壽施食施衣受種種福報羅漢知宿命時作惡五百生作狗緣次說佛降伏曠野鬼神鬼子母羅侯羅住胎六年等緣

五門禪經要用法

圖

右大禪師佛陀蜜多撰五門者一安般二不淨三慈心四觀緣十二緣五念佛若亂心多者教安般若貪欲多者教不淨若瞋恚多者教修慈若著我多者教因緣若心沒者教念佛禪觀法相甚詳略出觀佛三十事修慈四

十事

達磨多羅禪經二卷

右說安般不淨觀四無量心觀五陰六入十二因緣等修行勝道進分住分退分種種功德法開示甚詳

禪法要解經二卷

遵八

十六

右羅什譯說修不淨觀除五蓋得四禪相法修慈念佛修四無量心四無色定修六神通等法

禪要訶欲經

右說人身種種不淨衆生妄愛著邪媻及載目連爲婦說偈

法觀經

右與內身觀思惟略要等經文意相涉入內身觀章句經

右說身三十六物三百六十骨節九孔不淨等是爲一切病宅一切苦器

思惟略要法經

右羅什譯說求初禪先習諸觀謂不淨四無量觀因緣安般念佛等觀無量壽法華三昧等佛說十二遊經

右說佛降生成道十二年中於十六大國等處行化度人

雜譬喻經二卷

雜譬喻經

寫

右抄集諸經中善惡因果種種譬喻事

阿育王譬喻經

右初說阿育王作福以金鑄像與海龍王較福力輕重事後復有種種喻說善惡事

阿育王經十卷

遵八

十七

法句經二卷

獸

右集佛偈以類分品

法句喻經四卷

右說佛行化度人種種教化譬喻句偈

迦葉結集經

右略記諸大阿羅漢結集法藏緣

撰集三藏及雜藏經

右迦葉阿難等結集法藏魔波旬來燒法集

阿難迦葉化人狗地三尸繫魔頸降伏之遂

成法藏

三慧經

右說種種緣法似四十二章

阿毗曇五法行經

右說四諦及諸結使等義

阿舍口解十二因緣經

右說十二緣等種種法義

小道地經

右說修行持息等法

右說佛行化路中有小兒沙中戲以沙為糗  
捧內佛鉢以為一繖地王於佛法中廣作供  
養佛記涅槃後百年鐵輪阿育王廣興供養  
起八萬四千舍利塔後育王登位造地獄多  
所殺害有阿羅漢於鑊湯中現十八變王大  
驚異羅漢說佛所記王能役使龍鬼夜叉於  
一日中安置八萬四千塔已作廣大供養布  
施等事第六卷後說優波笈廣度弟子事  
阿育王傳七卷  
右與阿育王經本同譯別第三卷後載優波  
迦多廣行化度等事  
阿育王太子息壤目因緣經二卷 禽  
右說育王太子業報壞日本緣事  
四阿舍暮抄  
右本序云阿舍暮秦言趣無也阿難既出十  
二部經又採撮其要逕至道法為四阿舍暮  
與阿毗曇及律並為三苑焉文約義豐經之  
瓊鬘

文殊發願經

右大略如普賢行願經

六菩薩亦當誦持經

右說六菩薩功德宜應持誦

卍

一百五十讚佛頌

右讚如來種種勝妙功德

讚觀世音菩薩頌

右讚淨聖種種功德

無明羅刹經三卷

右說十二因緣種種譬喻

畫

馬鳴菩薩傳

龍樹王菩薩傳

卍

提婆菩薩傳龍樹弟子

右三菩薩傳略與付法傳事迹相類

婆藪槃豆法師傳

右梵語也此云天親并說無著菩薩等事迹

龍樹菩薩勸誡王頌

勸發諸王要偈

龍樹說法要偈

右三本本同譯別是龍樹菩薩以詩代書寄諸親友國王等種種勸發教誡簡要精切寄歸傳云西域學佛法人首皆誦此

金七十論三卷

右仙人迦毗羅從空而生自然四德一法二

道八

十九末

慧三離欲四自在閔世盲暗起大悲心為婆羅弟子問答演說一切微妙法義此十十偈論是大論略抄攝六萬偈義盡

勝宗十句義論

右尊者慧月造十句義論一者實二者德至十者無說辯種種法義

賓頭盧為優陀延王說法緣經

右訶勸捨離五欲無常之法二鼠侵藤醉象四地等喻苦切精至

請賓頭盧經

右說請聖僧法

分別業報略經

卍



右說善惡諸趣因果報應事

當來變經

右記說末法種種變事

大阿羅漢難提蜜多羅所說法住記

右唐言慶友說十六大阿羅漢并眷屬等名

數住處護法應供等事過刀兵劫至人壽七

萬歲時方入涅槃釋迦法滅并記人能於釋

迦佛法中於三寶所種諸善根種種因緣得

預彌勒三會獲涅槃果

大藏聖教法寶標目卷第八

大藏聖教法寶標目卷第九

釋迦譜五卷

釋

右梁僧祐撰舊十卷今合之一釋迦始祖二

姓瞿曇三六世祖四降生成佛五七佛種姓

衆數同異六三千佛緣七內外族姓名八弟

子姓緣九四部名聞弟子

進九

卅

釋迦氏譜

右唐終南釋氏以僧祐譜文繁多述此一所

依賢劫二氏族三所託方二四法王化相五

聖凡後裔

釋迦方志二卷

右終南釋氏述一封疆序世界安立二統攝

序佛所攝三千大千世界三中邊序天竺居

天地中四遺迹序佛故迹謂西域記詳於土

風略於遺迹五遊履序今古僧俗遊天竺可

紀者六通蜀序佛化迹差殊不同七時住序

正像住劫八教相序歷代興崇佛教

經律異相五十卷

右梁天監中勅僧旻等及稟武帝節略經律

論事凡六部一天二地三佛四諸釋五菩薩

六聲聞比丘尼人鬼神雜畜地獄

陀羅尼雜集十卷

塔

右集諸經佛菩薩仙天真言而未詳集者僧

可洪序其文重複真俗雜亂傳寫訛誤